

DISSERTATIO INAUGURALIS MEDICA,  
SISTENS  
CASUM  
ASTHMATIS SAN-  
GUINEO-SPASMODICI,

*Quam*

AUSPICE DEO PROPITIO  
*Et Consensu atque Auctoritate Gratiſſæ Facultatis Medicæ,*  
IN ALMA REGIA FRIDERICIANA,

PRÆSIDE

DN. D. MICHAELE ALBERTI,

SACR. MAJ. REG. BORUSS. AULICO ET CONSIST. MAGDEB.  
CONSILIARIO, MED. ET PHILOS. NATUR. PROFESSORE  
PUBLICO ORDINARIO, ETC.

DECANO SUO SPECTATISSIMO,

*Domino Patrono ac Promotore suo omni honoris cultu prosequendo,*

PRO LICENTIA

SUMMISQUE IN MEDICINA HONORIBUS ET PRIVILEGIIS DO-  
CTORALIBUS LEGITIME IMPETRANDIS,

HORIS LOCOQUE CONSUETIS

ANNO MDCCXXXI. D. SEPT.

PUBLICÆ AC PLACIDÆ ERUDITORUM VENTILATIONI SUBJICIET

AUCTOR RESPONDENS

JOHANNES FRIDERICUS CARTHEUSER,

HEINA-STOLBERGENSIS.

---

HALÆ MAGDEBURGICÆ,

TYPIS JOH. CHRISTIANI HENDELI, ACAD. TYPOGR.

DEPARTMENT OF THE INTERIOR

1872

REPORT OF THE

COMMISSIONER OF THE

GENERAL LAND OFFICE

FOR THE YEAR 1872

AND THE PROGRESS OF THE

LANDS BELONGING TO THE

UNITED STATES

IN THE YEAR 1872

AND THE PROGRESS OF THE

LANDS BELONGING TO THE

UNITED STATES





## PROOEMIUM.

**H**Aud levi quorundam Medicorum ignorantia, atque perversa medendi methodo, multos ægrotantes, (quorum restitutio si rationalis atque prudens Cura accessisset, speranda adhuc fuisset) vel in morbos gravissimos & incurabiles conjici, vel plane extinguui & præmature amandari ad sepulchra, consentiente Experientia, nec non multorum prudentum suffragio, verissimum est. In specie autem in morbis gravioribus eorundem detegitur ignorantia, uti in hoc adser-to magnum *Hippocratem in Libro de Prisca Medicina* habeo consentientem, quando inquit: Medicorum, plerique malorum navium gubernatorum mihi vi-  
dentur simillimi, qui si tranquillo mari navem re-  
gunt, nemo eos peccare deprehendit: Quod si ve-  
ro eos ventus vehemens aut tempestas oppresserit,  
jam omnibus manifeste constat, eorum imperitia &



culpa navem fuisse perditam.,, Ad confirmanda ulterius pauca hæc præmissa historiam Casus morbi asthmatici subjungere placuit, in quo insignem quoque errorem medicum aut verius empiricum commissum fuisse, ex penitiori hujus morbi indolis consideratione, & causarum differentia cognitum erit facillimum; in perversa enim hujus casus æstimatione & tractatione, hunc affectum Asthma pituitosum non distinctum fuisse a Sanguineo - Spasmodico exhibitæ ægrotanti medicamenta commonstrant. Siquidem hisce remediis causæ adauctæ, plura ac periculosiora Symptomata provocata fuere, atque inde plus detrimenti, quam adjumenti ortum, licet hic morbus per se neque inter incurabiles, neque gravissimos referendus sit. Pro Dissertationis Inauguralis igitur argumento, cum quoddam mihi eligendum esset, *Asthma Sanguineo - Spasmodicum*, cujus exemplum casus statim subjunctus exhibet, sumere placuit, idemque præmissis prius casu, pro virium mearum tenuitate, pathologice ac therapevtice, eo, quo fieri poterit ordine pertractabo, evitando nimiam prolixitatem, & superfluam opinionum circa hujus morbi genesin & curationem variorum Autorum allegationem, ne ex solis autorum & opinionum eorundem allegationibus, tota ut sæpissime fieri solet enata videatur Dissertatio; Cognitum mihi præterea optime est, ex me hic non quæri, quid sentiant alii, sed quid ipse. Sed cum omnibus perfecte satisfacere virium debilitas haud permittat, placidum a Lectore Benevolo mihi expeto judicium. De cætero sum-



summum ac benignissimum Numen supplex veneror, ut labori præsentī suo adsit auxilio, & hisce atque futuris benedicat conatibus, eosque semper dirigat in sui gloriam & proximi emolumentum.

## HISTORIA CASUS.

**J**Uvenis 20. annorum Temperamenti Melancholico-Sanguinei, habitus corporis mediocris, laetiori victui deditus molimina ad narium hæmorrhagiam sæpius quidem, sed perfectam excretionem nunquam expertus, & frequentibus proinde cephalgiis obnoxius, corripitur constrictione quadam in pectore, cum aliquali intus gravitatis sensu & spirandi difficultate. Symptomata hæc semper vesperi, postquam lectum ingressus esset incrementa capiebant, & aliqualis paulo post accedebat tussicula in principio sicca, post aliquot dies vero paululum humida, siquidem paucum subinde excernebatur viscidum. Prædictis hisce jungebatur dolor quidam obtusus gravativus in capite & stupiditas, dejectio appetitus & totius corporis lassitudo, atque quælibet hæc Symptomata in specie tussis cum spirandi difficultate, ut jam dictum, noctu urgebant, ut patienti etiam omnem fere eriperent somnum, licet ad capiendum eundem valdopere inclinaret. Cujusdam itaque Medici consilium & auxilium postulavit ægro-  
tans. Hic adhibuit pectoralia resolventia calidiora, in specie Eff. Lignor. cum Spiritu Salis ammoniaci anisat. mixtam, pituitam viscidam ac tenacem in



pulmonibus collectam, ut putabat, resoluturus. Quorum usui subinde interponebat Laxantia, sed sine fructu; prædicta enim Symptomata in dies magis magisque crescebant, adeo ut vix respirare posset, cum sonitu, nec non gravitate in pectore insigniter aucta, accedebant quoque subinde tinnitus aurium, spasmodicæ constrictiones in abdomine, & sinistro potissimum hypochondrio, Dysuria, & micтус sanguineus. Medicus alius suavit VSectionem, sed patiens eandem admittere recusavit, haud necessariam illam esse autumans, imprimis cum prior Medicus, cujus scientiæ (vel potius dicam ignorantiae) patiens multum fidit ejusdem erroneæ cum illo sit sententiæ. Hujus casus igitur explanationem, & in genere Asthmatis Sanguineo-Spasmodici evolutionem in sequentibus suscipere placuit. §. §.

§. I.

**R**espiratio actio existit ad perpetuandum sanguinis circulum, atque vitam continuandam, quippe quæ ex parte a continuo nec interrupto fluidorum dependet circulo, summe necessaria; siquidem usum ejus vel plane interceptum, vel graviter tamen læsum, mors aut cursus fluidorum ac sanitatis insignes subsequuntur perturbationes.

§. II.

Composita potissimum est respiratio ex Inspiratione & Expiratione. In priori aer pulmones ingressus per asperam arteriam bronchiorum ramulos in vesiculas deficientes pervadit, easdemque adeo in momento expandit,

ut



ut thorax attolli, & Diaphragma versus inferiora descendere cogatur. Hanc autem vesicularum expansionem semper vasculorum sanguiferorum pulmones undique perreptantium atque bronchia concomitantium sequitur compressio, ut sanguis ideo e dextro cordis ventriculo per arteriam pulmonalem in duos primo ramos majores, deinceps vero in ramulos minores fere innumeros distributam advectus subtilissima quoque venæ pulmonalis vascula cum extremis arteriæ ramificationibus per anastomosin connexa rursus intrare & successive in ramos majores collectus necessario remeare debeat in sinistrum cordis ventriculum. Certissimum enim est, auctum vesicularum pulmonalium diametrum vasorum sanguiferorum diametrum semper reddere minorem.

§. III.

Quælibet autem actio præsupponit Causam, Instrumenta & Effectus, hinc sine iisdem respirationem fieri posse, haud quisquam quoque adfirmabit. Paucis itaque eadem lustrare placet, ut vitia circa respirationem obvenientia in sequentibus melius cognoscantur atque facilius; Rectum enim juxta vulgatum axioma semper est norma obliqui.

§. IV.

Pro Causa autem tam Expirationis quam Inspirationis solum agnosco aerem specifica præditum gravitate & elatere insigni. *Vid. Boyl. Tract. de Elat. aeris.* Pulmonum in Inspiratione expansionem præstat, dum vesiculas ingressus pulmonales vasorum sanguiferorum, & aeris ac fluidorum in illis contentorum resistantiam ob gravitatem & elasticitatem insignem superando vesiculas



culas expandit & fluida in vasis versus cordis muscolum propellit, sed cum de novo sanguis crassior itidem tamen ob aerem quo imprægnatus est, præditus elatere (*Vid. Exc. D. D. Teichmeieri Diff. de Elatere Sanguinis*) per arteriam ex dextro cordis ventriculo magna vehementia infundatur in ramulos minores vesiculas concomitantes & ambientes rursus ab eodem aer in vesiculis ob nimiam rarefactionem debilitatus vincitur, atque e pulmonibus in expiratione exire cogitur. Hisce accedit, quod aer ambiens externus semper in pulmonum cavitatem ingredi nitatur, & aer internus in pulmonum vesiculis ob calorem nimis elasticus, & levior quoque proinde redditus novo irruenti ac graviori cedere & sic per consequens egredi iterum teneatur. Siquidem ab ultima hac ratione totam expirationem dependere arbitratur *Baglivius Lib. de Static. aeris & Liquidor. p. 452. in Operibus*. Ibi enim inquit: „Cum igitur centrum „gravitatis duorum liquidorum æqualis molis, sed diversi „ponderis sit in parte, quæ gravior est, necessario consequi debet, ut aer externus qui gravior est interno ex „ante dictis mechanica vi ac necessitate, & nobis nec advertentibus primus ingrediatur in pulmones, forisque „extrudat internum minus gravem, minusque resistentem. Sicque mutuæ inspirationis expirationisque vi- „ces absolvantur, atque adeo thoracem cum partibus vicinis instrumenta tantummodo esse, non Causam respirationis. Positam hanc Baglivii causam neque rejicimus quidem, neque solam admittimus, sed alternanti quoque inæqualitati virium resistentiæ & pressionis aeris in liquidis vasorum contenti & ab extra vesiculas intrantis

ex-



expirationis & inspirationis causam infimul tribuendam esse cenſeo; ſiquidem frequenti conſtat experientia per curſum citatiorem & febres ardentes ob auctum in hiſce fluidorum, potiſſimum autem ſanguinis elaterem & curſus velocitatem, æquilibrium inter aerem internum in ſanguine & externum in veſiculis turbari, atque expirationem ſuperare inspirationem magnitudine & velocitate quoque, ſi alias ultimum hoc poſſibile eſſet, & expiratione ſine prægreſſa fieri poſſet inspiratione. Quamdiu itaque perfectum ac naturale adeſt inter aerem externum, & internum in ſanguine æquilibrium, tamdiu reſpiratio naturaliter & ex voto ſuccedit, & vice verſa.

§. V.

A Cauſæ luſtratione progredior ad Inſtrumentorum conſiderationem; ſed ne locus materiæ primario ventilandæ deſtinatus præripiatur, breviter ſaltem ad eadem pulmones potiſſimum, muſculos intercoſtales peſtoris, quosdam abdominis atque diaphragma cum thorace ſpectare adfirmo, quæ ſingula ob conſtructionem, diſpoſitionem atque connexionem mechanicam reſpirationis officio inſerviunt, & eo quidem modo ac ordine, ut expansis in inſpiratione pulmonibus cedant, iisdemque affectatum ac neceſſarium concedant ſpatium. Siquidem diaphragma verſus inferiora deſcendit, thorax contra per muſculos intercoſtales attollitur; Pulmonibus vero in expiratione rurfus collapſis priſtina occupant loca, diaphragma rurfus adſcendit, & thorax per alteram muſculorum intercoſtalium ſeriem & quosdam abdominis &c. iterum detrahitur, ita ut exinde pateat evidentiffime, prædicta organa inſtrumentorum, ſaltem non cauſarum vero



subire vices, quæ actioni inserviunt primariæ & ad facilitandam istam conferunt. Quælibet hæc adserta multis probari possent rationibus & experimentis, si instituti ratio id permetteret, interim tamen alio tempore hanc materiam Deo annuente uberius pertractandam mihi reservo.

§. VI.

Respirationis denique usum multiplicem esse nulli involuitur dubio, sed primarios tantummodo ejusdem usus recensere sufficiet, quorum primus & primarius sanguinis existit promotio: Cessante hinc respiratione in hominibus natis, paulo post etiam cessat ac sistitur circulus sanguinis. Consuetæ enim non tantummodo circulationis viæ præcluduntur, sed solum etiam cor tantæ fluidorum moli circumpellendæ haud sufficit. Alterum primarium usum consistere arbitror in debita atque intimiori particularum, & elementorum sanguinis miscela, combinatione, & sanguinis per venas redeuntis nova subtilisatione; tota enim sanguinis moles ex corpore universo per venam cavam reducta, & per arteriam pulmonalem deinceps pulmonibus infusa crassa atque coloris obscuri observatur, ex illis vero per venam rediens ad sinistrum cordis ventriculum, fluidior ac floridior rursus existit, hinc pulmones in hoc puncto preli vices subire haud inepte dicendum est. Quod si vero actio hujus organi turbetur, ut prædicti proinde ab eodem præstari nequeant usus, insignes in corpore & in fluidorum potissimum circulo oboriuntur perturbationes atque noxæ, quarum quædam primo intuitu minime exinde pendere videntur, cum tamen revera a turbato

bato



bato respirationis negotio dependent. Siquidem casus mihi notus est de puero 13. annorum, cujus nares crasso ac viscido constanter obstructæ erant mucò, ita ut difficillime semper & aperto ore respirare cogeretur. Narium hæc obstructio postquam ad tempus duraverat, puer præter insignem capitis gravitatem ac stupiditatem insigni manuum ac pedum corripiebatur tumore. Varia licet remedia contra hanc intumescentiam adhiberentur, nihil tamen efficiebant, prædictus enim tumor constanter durabat, & quotidie capiebat incrementa, ut metus etiam esset, ne successive abdomen traheretur in consensum. Quare ab alio Medico sagaciori re paulo accuratius pensitata præter interna externa quoque Er-rhina nimirum naribus applicata fuerunt, ut successive ideo narium obstructio reserata aeri liberiores iterum ingressum & egressum concederet. Quo facto paulo post pedes & manus detumescere iterum cœperunt perfecte. Sed post semestrem spatium tempore hyemali de novo patientis nares viscido mucò obstruebantur; quæ obstructio cum iterum ad tempus durasset, manus & pedes denuo intumescere cœperunt. Idem igitur Medicus rursus advocatus priora adhibebat remedia, & primario de reseranda narium obstructione, & respirationis libertate restituenda sollicitus erat, & voti sui compos factus cum admiratione pedum & manuum tumorem iterum evanescere videbat cum perfecta sanitatis restitutione. Similem Casum jam laudatus *Baglivius Tract. de Statice aeris & Ligu.* recenset de Causidico, qui cum ob polypum nasi difficulter respiraret, itidem successive abdominis & pedum tumorem incurrebat, sed extirpa-



to eodem & restituta libera respiratione ventris tumore liberabatur. Ex hisce itaque patet luculentissime, quantum sanitatis momentum in libera respiratione consistat.

§. VII.

Reliquos respirationis usus, qui loquelam, meliorem perceptionem odorum, Chymificationem, Chyli promotionem ad sanguinem &c. concernunt, lubens prætermitto, cum ad subsequenter tractationem de Asthmate Sanguineo - Spasmodico parum conferre videantur.

§. VIII.

Hisce itaque præmissis progredior ad primariæ hujus Dissertationis materiæ tractationem nimirum ad *Asthma Sanguineo - Spasmodicum*, quod speciminis inauguralis loco evolendum suscepi. Sed hujus evolutionem mihi inchoaturo ordini videtur convenientissimum, de consuetis hujus morbi appellationibus explicationis facere principium; siquidem juxta Aristotelem: Nominum Inquisitio audit initium doctrinæ. Nimis diu tamen vocum derivationi inhærere, earundemque origines prolixius eruere neque utile, neque necessarium hoc loco censeo. Dicitur autem hic morbus communissime Asthma ab αἶσθμα anhelare, quoniam respiratio cum sonoro fit anhelitu, hinc etiam apud Latinos audit Anhelatio. A Seneca nuncupatur quoque Suspirium, quando *Epist.* 54. ita de eodem differit: „Uni tamen morbo assignatus  
„sum, quem quare græco nomine appellem nescio fa-  
„tis enim apte suspirium dici potest. Brevis autem  
„valde ac procellæ similis morbus est, intra horam fere  
„de-



„ definit. Quis enim diu expirat? Omnia corporis  
 „ aut incommoda aut pericula per me transferunt: nul-  
 „ lum mihi videtur molestius. Quidni? aliud enim  
 „ quidquid est, ægrotare est: hoc est animam agere.  
 „ Itaque Medici hanc Meditationem mortis vocant. Ger-  
 manice dicitur *der Dampf*, it. *Engebrüstigkeit*. &c.

§. IX.

Variæ autem in Praxi observantur & in scholis me-  
 dicis explicantur Asthmatum species, quæ partim a causæ,  
 partim a partis primario affectæ diversitate diversas acce-  
 pere cognominationes. Hinc in genere Asthma distin-  
 guitur in Humidum & Siccum. Humidum seu Pitui-  
 tosum nuncupatur, quod materiam quandam viscidam  
 bronchos obsidentem & obstruentem præsupponit, atque  
 cum materiæ ejusmodi vel majori vel minori excretionem  
 coniunctum est. Siccum vero audit, quod sine ulla ma-  
 teriæ præsentia in bronchis hærente, constrictiones &  
 coarctationes eorundem & difficilem per consequens in-  
 spirationem præstat. Ad duo hæc genera variæ adhuc  
 aliæ spectant Asthmatis species tam Essentiales, quam Con-  
 sensuales, nimirum Asthma præcordiale s. Stomachicum,  
 Flatulentum, Asthma Hystericum, Hypochondriacum,  
 Cachecticum, Montanum s. metallarium, & in specie  
 ad siccum pertinet Asthma Spasmodicum vulgo Con-  
 vulsivum dictum, cujus indolis illud quodammodo est,  
 quod in præsentem pertractandum elegi & Asthma nun-  
 cupo Sanguineo-Spasmodicum, h. e. tale, quod solum-  
 modo a sanguinis vitiis & constrictionibus spasticis ab eo-  
 dem vitio quodam laborante productis consurgere solet.  
 Hoc autem definitio, quod sit, Respiratio insigniter in



inspiratione læsa, frequens & anhelosa, cum sonitu, sibilo & aliquali subinde tussicula conjuncta, a bronchiorum & vesicularum pulmonalium coarctatione, a sanguine & spastica ut plurimum fibrarum constrictione producta, dependens.

§. X.

Quælibet in data definitione genuinæ definitionis requisita adesse arbitror. Generis enim loco posui Respirationem Læsam, atque ut distinguatur ab aliis respirationis vitiis, læsa potiss. dicta fuit in inspiratione. Sed cum variæ etiam in inspiratione contingere solent læsiones, specificam adjeci differentiam, quam signant additum symptoma proprium ac specificum nimirum strepitus sonorus ac sibilus, nec non causa mediata & immediata, bronchiorum nimirum & vesicularum pulmonalium coarctatio a sanguine vitioso spastica ut plurimum mediante constrictione producta. Majoris quoque perspicuitatis ergo non omissum est subjectum morbi pulmones nimirum cum bronchis & vesiculis suis, quæ alias libere ab irruente expanduntur aere, præfente vero hoc malo, debitam nequaquam consequuntur expansionem.

§. XI.

Ex hisce hinc facillime patescit, quænam corporis pars pro morbi hujus subjecto primario habenda sit. Pulmones enim cum vesiculis suis membranaceis & bronchis hanc pati dicuntur coarctationem, hinc necessario etiam hujus morbi subjectum essenziale constituere debent. Plura autem de illis dicere & actum agere displicet; in præcedentibus enim jam sufficienter de illis, eo-



eorundemque munere naturali dictum esse arbitror. Progre-  
dior igitur ad tradendam hujus morbi historiam, ut  
deinceps ex rationali symptomatum consideratione cau-  
sas eo melius ac certius eruere valeam.

§. XII.

Invadit hoc malum utplurimum subjecta plethori-  
ca, prædita Temperamento vel sanguineo, vel sangui-  
neo-cholerico, vel sanguineo-melancholico, in ætate  
juvenili ac vegeta virili præc. constituta, lautiori victui  
atque otio dedita, sexus quidem utriusque frequentius  
tamen sequioris, periodicis adsueta sanguinis evacuationi-  
bus tam naturalibus v. g. per hæmorrhagiam narium,  
menses & hæmorrhoides, quam artificialibus v. g. per  
Vsectionem, scarificationes &c. In principio affecti per-  
sentiunt plerumque lassitudinem in toto corpore po-  
tiss. artubus, dolorem capitis gravativum & obtusum  
cum stupiditate, facies rubore utplurimum suffusa & tu-  
mida apparet, venæ turgent, tensivi quoque sæpissime  
persentiuntur dolores in spina dorsi, lumbis, hypo-  
chondriis, & pectore, tandem insignior accedit in pe-  
ctore gravitas cum respiratione difficili & majoribus spa-  
sticis pectoris constrictionibus, vel saltem per intervalla  
redeuntibus, vel diutius interdum & sine intermissione  
adfligentibus; malo aucto adeo frequens & anhelosa red-  
ditur respiratio, ut spiritum vix trahere valeant, cum  
sonitu ac sibilo, (qui tam ab ægro, quam ab ipsis etiam  
percipitur adstantibus,) in nostra specie tamen miti-  
ori, sicca jungitur tussicula, quædam tamen subinde eti-  
am viscida excernitur materia micis ac striis sanguineis  
quandoque notata. Noctu in lecto imprimis hæc sym-  
pto-



ptomata urgent, ut patiens sæpissime præ tussis frequentia, angore in pectore, & suffocationis metu per integram noctem nullum capere queat somnum, licet somnolentiam persentiat insignem. Insigniter quoque spirandi augetur difficultas, si fortiolem ineant corporis motum, vel loca petant accliviora. Pectoris constrictionibus frequentissime & aliarum partium strictione præternaturales junguntur v. g. hypochondriorum, uteri in fœminis, abdominis &c. Pulsus varius est, modo languidus modo citior, semper tamen fere inæqualis. Crescente malo appetitus dejicitur, tinnitus aurium in certis casibus ac subjectis dysuria imo mictus cruentus, hæmoptysis, vomitus cruentus, pavores nocturni, & incubus quandoque, aliaque mala accedunt & complicantur. Transit quoque interdum in peripneumoniam, pleuritidem, apoplexiam sanguineam &c. Menses, hæmorrhoides & narium hæmorrhagiæ legitime & opportune supervenientes hunc adfectum vel plane solvunt, vel tamen reddunt mitiorem. Melius quoque sese habent asthmatici aere temperato, quam calido & frigido. In demortuis pulmones plerumque inflammati, sanguine turgescunt & nigris maculis notati deprehenduntur, interdum quoque sanguis extra-vasatus & materia purulenta in pectoris cavitate, nec non polyposæ concretiones in vasis pulmonum reperiuntur.

§. XIII.

Distinguitur autem ab aliis læsæ Inspirationis speciebus, & quidem primo a Dyspnœa, quæ itidem difficilem quidem notat inspirandi difficultatem, cum vel sine tussi, minorem tamen innuit gradum, & sine sonitu

con-



contingit suspirioso; in asthma vero multo gravi-  
or adest spirandi difficultas cum strepitu quodam sonoro  
conjuncta, qui tam ab ipso ægrotante, quam ab adstan-  
tibus auditur, hinc etiam versiculus: Dyspnœa se celat,  
canit asthma, malumque revelat. Distinguitur porro  
ab Orthopnœa, quæ major adhuc spirandi difficultatis  
gradus est, ita ut affectus frigidum semper captet aerem,  
& erecta solummodo cervice respirare cogatur. Distin-  
guitur denique a Catarrho suffocativo, qui summum  
difficilis inspirationis gradum constituit, & præsentane-  
am, nisi citata adferatur medela, minatur suffocatio-  
nem &c.

§. XIV.

Ab explanata historica hujus morbi facie & sympto-  
matum recensione tractationis ordine nunc devolvor ad  
evolutionem causarum. Pro causa immediata autem ad-  
fectus hic asthmaticus sanguineo-spasmodicus agnoscit  
præternaturalem bronchiorum & vesicularum pulmona-  
lium coarctationem, quam necessario læsa subsequi debet  
inspiratio; aer enim bronchos & vesiculas membrana-  
ceas coangustatas neque sufficienter ingredi, neque ob  
resistentiam majorem satis expandere valet, & ob subla-  
tum æquilibrium solito hinc citius expellitur, unde fit  
ut frequens atque citata necessario reddatur respiratio.

§. XV.

Sed cum aeris denegatus liberior in pulmones in-  
gressus & bronchiorum atque vesicularum coarctatio ne-  
cessario supponat obstaculum sive causam quandam me-  
diatam proximior, quæ prædictam efficiat, quamob-  
rem de eadem quoque mihi cogitandum erit. Pensita-



tis itaque quibusvis in hoc morbo circumstantiis, duplicem istam esse arbitror, alteram Formalem, alteram vero Materialem. Formalem constituit spastica fibrarum in pulmonibus strictura a fluidorum per pulmonum vascula currentium vel copia præternaturali ac stasi, vel acrimonia irritante, vel irregulari fluxu producta. Causæ materialis nomine hinc in nostro affectu solus venit sanguis, qui triplici modo vitiosus redditus spasticæ huic fibrarum stricturæ, & viarum aeriferarum coangustationi producendæ idoneus existit. Primum & primarium sanguinis vitium in excedente ejusdem quantitate fundamentum habet; siquidem nimia ejus quantitas vasa pulmonum sanguifera præter modum expandens non tantummodo bronchiorum atque vesicularum contiguarum coarctationem præstat: Quantum enim vasorum sanguiferorum diametro accedit, tantum bronchiorum & vesicularum diametro necessario decedere rationi consonum est & experientiæ; sed naturale etiam tollit æquilibrium inter aerem internum in sanguine & externum in bronchis, qui posterior ab extra pulmones ingressus, membranaceas vesiculas expandere atque vasa sanguifera debite comprimere debet, ut sanguis versus sinistrum cordis ventriculum propellatur, vasa hinc solito validius aeri irruenti resistunt, ut idem proinde pressione suæ earundem superare nequeat resistantiam. Sanguis præterea exsuperans cum in toto pulmone solidorum vincat resistantiam, insignes etiam efficit distensiones, stases & spasmodicas fibrarum stricturas, siquidem juxta Hipp. Aphorif. 39. Lib. 6. spasmus nascitur vel a plenitudine, vel ab inanitione. Spasmo autem præsentē aliter fieri haud pot-



potest, quia bronchiorum & vesicularum constrictiones, coarctationes, & læsa per consequens inspiratio subsequantur.

§. XVI.

Hicce accedit, quod sanguis copia peccans, cum ob sublatum inter solida & fluida æquilibrium neque vegete propulsari, neque sufficienter ac debite ventilari queat, successive spissitudinem & acrimoniam contrahat; Uti hoc ratione æque atque experientia luculentissime probari potest. Ex physica enim naturæ fluidorum consideratione notissimum est fluida quælibet potissimum gelatinosa, cujus indolis imprimis corporis nostri fluida existunt, quo lentius cursu procedunt, eo citius atque facilius concreescere atque coagulari. Alterum igitur exinde sanguinis vitium confurgit nimirum spissa & acris ejusdem indoles, qua præsentē frequentes postea stases fibrarum vellicationes & spasticæ consequenter earundem stricture contingunt. Fluidorum enim stases, spasticas solidorum constrictiones, & hæ vice versa fluidorum stases, & motus irregulares producant, ita ut altera alterius semper reciproca existat causa. Rationi enim & experientiæ existit consentaneum, intercepto in ramulo aliquo fluidorum cursu, eadem cum neque progredi queant ob vias per obstructions præclusas, neque recedere ob particularum insequentium pressionem atque impulsu, cedere pressa ad latera vasorum, & istorum, cum sphericæ sint figuræ tunicas & membranas solito fortius quaquaversum distendere, atque vicinas ac sibi contiguas ideo cavitates adeo comprimere, ut necessario, non tantummodo coangustentur, sed fibræ etiam spastice crispentur



atque constringantur. Unde duplici modo, cum utrumque in nostro affectu in pulmonibus contingat, bronchiorum & vesicularum coarctationes producuntur & liberior atque sufficiens aeris ingressus impeditur. Præterea quoque notandum est, fluida in cursu suo in uno ramo impedita copiosius determinari ad ramulos alios, eosdemque, cum tantam recipere nequeant sanguinis molem, distendere, & per consequens etiam hoc modo bronchiorum &c. coarctationem vel per se, mediante spastica fibrarum constrictione efficere. Interim tamen spastica hæc constrictione frequenter etiam a sola producitur sanguinis acrimonia, quæ, licet nulla præternaturalis adsit copia, vellit & irritat fibras, ut sese fortius crispando ac contrahendo bronchia & vesiculas pulmonales coarctent & difficilem proinde efficiant inspirationem &c.

§. XVII.

Ultimo demum tertium considerandum restat sanguinis vitium, quod consistit in irregulari ejusdem motu, eoque vel languido nimis, vel celeri ac impetuoso. Celeritate nimia naturale turbat & aufert inter inspirationem & expirationem æquilibrium, ut citatior semper observetur & faciliior exspiratio, quam inspiratio; stases quoque facillime producit; siquidem sanguis, quando vel ob vitium proprium nimirum ebullitionem & rarefactionem, vel elaterem solidorum præternaturaliter exaltatum, cursu velociori ac præcipitanti per vasa pulmonalia fertur, ob rarefactionem majus non tantummodo affectando spatium vasa distendit, uti hoc observamus in febribus ardentibus & fortius currentibus, sed globuli etiam sanguinei majores ob pressionem a tergo insequentium validiorem facile minori-



noribus intruduntur vasculis, quorum diametri intrusorum globulorum diametris minime respondent, & stases ideo, obstructiones & consequenter coarctationes bronchiorum efficiunt. Tarditas motus sanguinis, licet quidem per se neque stases, neque distensiones efficiat, cum tamen partim de humorum copia & crassitie, partim de debilitato solidorum elatere testetur, atque humorum spissitudinem adaugeat, eandem ex causarum numero plane ejiciendam esse haud arbitror.

§. XVIII.

Prædicta autem sanguinis & fibrarum vitia non per se oriuntur, sed alias semper causas prægressas occasionales, procatarticas dictas præsupponunt. Ex hisce primum merito obtinent locum causæ nonnaturales, quæ in certa aeris ambientis constitutione respectu gravitatis & temperiei, alimentorum ac potulentorum indole, motus, quietis, somni, vigiliarum, nec non Animi pathematum, & evacuationum naturalium excessu vel defectu consistunt. Ex istis autem primo loco memorandus venit aer qui vel levitate aut crassitie nimia, vel intemperie calida, humida & frigida ad nostri morbi & vitiorum supra memoratorum genesis & augmentum conferre solet, quatenus ob levitatem nimiam bronchis ac vesiculis coarctatis expandendis eo minus sufficit; siquidem notum est, in montibus altioribus, quales v. g. sunt mons Pico in Insula Teneriffa, montes Carpathici & Andes in America &c. homines itidem ob aeris tenuitatem ac levitatem suffocationis incurrere periculum, nisi cito descendant. Æquilibrium enim inter aerem internum in sanguine & externum aufertur, ita ut externus levior pulmones ingressus ob



crassioris in sanguine resistantiam majorem, eosdem sufficienter expandere & sanguinem propellere nequeat. Interim tamen etiam aer nimis crassus transpirationem impediendo, humorum augendo copiam & acrimoniam, atque circulum eorundem turbando noxam adfert. Ob intemperiem vero calidam sanguinem rarefacit, ad præternaturales ebullitiones disponit, & serum blandum dissipando nimis, concentrando contra partes acres & activas, acrem reddit, & fibras constringit; ob intemperiem frigidam partim transpirationem impediendo, impuritatum in sanguine præstat accumulationem, atque fluida coagulat, partim inducta solidis in ambitu exteriori constrictione copiosius fluida repellit ad interiora. *Vid. D. D. Hambergeri Diss. de Frigore morbifico.* Ob humidam denique intemperiem solidorum relaxat elaterem, unde fit, ut fluidorum motus ob impulsu debiliorem fiat languidior, eademque successive spissescant. Alimenta copiosiora & nimis nutrientia in sanguineis subjectis plethoram adaugent, siquidem nimia alimentorum adsumtio, teste Hippocrate, semper noxia censenda est, Aphorif. enim 17. Lib. 2. inquit: Ubi nutrimentum ultra naturam capitur morbum facit, &c. Acria, aromatica, acida, viscida, fumo indurata, flatulenta, potulenta spirituosâ, nimis fermentantia &c. partim cruditates in ventriculo, flatus in intestinis, viscidum in sanguine generant, partim sanguinem rarefaciunt, præternaturaliter commovent, & fibras spastice crispant, atque multiplici hoc modo futuri asthmatis rudimenta ponunt, vel jam præsentis incrementum addunt. Motus excedens ac fortior humores potissimum abundantes nimis commovet, deficiens vero eosdem incrassat, len-



tos & ad motum ordinarium subeundum ineptos reddit. Par ratio est cum vigiliis & somno immoderatis; Vigiliæ enim diu protractæ fluidis in principio excedentem rarefactionem, postea vero consumtis & difflatis partibus activioribus & subtilioribus crassitiem, solidis vero successive atoniam inferunt. . Animi pathemata consuetos & ordinarios naturæ limites transgressa, & quidem solidorum æque ac fluidorum elaterem vel nimis exaltando, ut ira, vel nimis deprimendo, ut terror, tristitia, mœror, prædictis sanguinis vitiis eorundemque genesi occasionem præbent. Ultimo tandem ex causis nonnaturalibus notandæ veniunt Excretiones sanguineæ potissimum consuetæ & naturales vel plane suppressæ, vel insigniter tamen imminutæ. Vid. *D. D. Præsidis Patbol. Med. Sect. 2. de Hæmorrh. in genere potiss. §. 36.* Quibus tractationis ergo hic jungendæ sunt evacuationes artificiales neglectæ v. g. Vsectio, Scarificatio &c. Hinc etiam observamus, quemcunque ferme ægrotum asthmate sanguineo-spasmodico correptum, vel consuetam ac certis temporibus institutam neglexisse Vsectionem, vel si sexus sit virilis, narium hæmorrhagiæ, aut hæmorrhoidum, si sexus vero muliebris mensium aut lochiorum suppressione plenaria, aut parco & inordinato fluxu laborare. Consuetis enim hisce sanguinis evacuationibus vel suppressis vel neglectis sanguis præter modum accumulatur, ut non tantummodo in toto corpore naturale inter solida & fluida auferatur æquilibrium, sed in diversis etiam partibus potissimum membranosis, atque vasis exilibus præditis stases, obstructions, distensiones, & spasticæ oboriantur constrictiones. Huic accedit, quod ex sanguinis abundantia paulo post etiam ejusdem spissitudo



tudo resultet & acrimonia. *Vid. Excell. D. D. Hoffmanni Med. Consult. Tom. I. Decad. 2. Cas. 2.*

§. XIX.

Ex præternaturalibus denique Causis præ cæteris ad Asthma sanguineo - spasmodicum producendum huc spectant malum Hypochondriacum in viris & passio hysterica in fœminis, quæ duo mala sanguinis exsuperantis & crassioris per vasa ac viscera infimi ventris, potissimum mesenterium, hepar & lien circulum impeditum, stasin in partibus membranosis, & spasticas exinde obortas adfectiones præsupponunt; hinc intellectu facillimum est, duos hosce adfectus per fibrarum non solum consensum, sed vatorum quoque communicationem, sanguinis congestionibus versus pulmones & pectoris partes nec non spasticis ibidem fibrarum stricturis consensualiter etiam producendis adprime existere idoneos.

§. XX.

Notatu quoque dignum est vehementioribus doloribus colicis & nephriticis in subjectis plethoricis sæpissime hujus in pectore mali genesis in acceptis ferendam esse, quatenus sanguinem per spasticas constrictiones versus superiora propellunt. Siquidem juxta adsertum „Excell. D. D. Hoffmanni: ea doloris vehementioris indoles ac vis est, ut spasmis liberiores sanguinis circuitum „per venas maxime impredientibus cum impetu ad alia incongrua loca copiosum sanguinem non solum adducat, „sed convulsivos etiam excitet motus *Vid. Diss. Ejusd. de Dolore ex Calculo Renali §. 28.* Veritati hinc consonum est, morbos infimi ventris quoscunque, qui vel a spastica fibrarum constrictione, vel impedito sanguinis copiosioris circu-



circulo dependent, ad Asthmatis sanguineo-spasmodici productionem conferre, vel augmentum. Quare hic etiam notanda est colica hæmorrhoidalis cujus exemplum notatu dignum legi potest in citati *Excell. D. D. Hoffmanni Medicina Consult. Tom. I. Decad. 2. Cas. 1.* Notandæ quoque sunt spasticæ adfectiones musculorum intercostalium, diaphragmatis, &c. Nec ultimo silentio plane prætereundæ sunt polyposæ concretiones in vasis pulmonum, scabies retropulsa, ulcera diu manantia subito consolidata & alii prægressi affectus præternaturales, quos tamen, cum magis ad alios asthmatis species producendas conferant, lubens prætermitto.

§. XXI.

Ex naturali autem dispositione præ reliquis huic Asthmatis speciei obnoxia sunt subjecta, prædita Temperamento sanguineo, vel sanguineo-melancholico, vel sanguineo-cholerico; siquidem in omnibus hisce sanguinis abundantiam, & junctam eidem utplurimum vel spissitudinem vel acrimoniam & fibrarum vel teneritudinem vel stricturam deprehendimus. Familiarior tamen præ omnibus aliis hic adfectus est Temperamento sanguineo præditis, quoniam insigniori præ ceteris sanguinis abundantia & habitu corporis laxiori gaudent. Corporis proinde habitus, ætas & sexus suum quoque conferunt symbolum. Siquidem practicæ testantur observationes, hoc adfectu utplurimum corripì homines juniores, & in ætate vegeta adhuc constitutos, habitus corporis spongiosioris atque obesioris, texturæ tenerioris, atque sexus sequioris, qui multum sanguinis in venis alunt, & varias proinde sanguinis superflui experiuntur evacuationes periodicas; quæ

D

quam



quamdiu debita quantitate, debito tempore ac ordine succedunt, nihil noxæ a sanguinis sui copia, per excretiones prædictas statis temporibus imminuta, perferunt. Quamprimum vero istæ redduntur irregulares, vel plane supprimuntur præsto adfunt varii motus inordinati in toto corpore, stases, congestiones ad loca incongrua, & spastica fibrarum constrictiones. Aliquam quoque in vitæ genere ad hunc morbum dispositionem quærendam esse extra dubium existit; siquidem homines, qui vita fruuntur sedentaria, otio marcescunt, & parum moventur, nec non lautiori præterea indulgent victui, superfluum & crassum generant sanguinem, unde fit, ut stasibus & spasmis deinceps quam maxime reddantur obnoxii. Nec dispositio hæreditaria plenarie quoque excludenda est; Aliquot mihi enim notæ sunt familiæ, quibus adeo familiaris existit asthmaticus morbus, ut pauci ab eodem vivant immunes.

§. XXII.

Ex posita nunc causa Asthmatis Sanguineo-Spasmodici primaria, nec non causis ejusdem occasionalibus infirmul recensitis, quælibet Symptomata huic Asthmatis speciei familiaria, quæque in casu præmisso annotantur, deduci & explicari possunt; Siquidem cuncta in excedente sanguinis abundantia ac spissitudine fundamentum habent, nec non in spasticis pectoris constrictionibus a duplici hoc sanguinis vitio dependentibus, & sublato inter fluidas & solidas partes æquilibrio. Siquidem gravitas & stupiditas capitis solummodo dependet a copiosiori sanguinis congestionem versus superiora, atque impedito paululum ejusdem progressu per vasa cerebri exilissima; Tinnitus  
iti-



itidem stasi & languidiori sanguinis cursui tribuendus est, unde viscerum impuri ac flatuosi humoris in auris cavitate interna secretio major, ejusdemque resolutio per calorem in halitus flatulentos, qui tympanum deinceps allidentes, ejusmodi in illo excitant commotiones tremulas, quæ ad animam rationalem per reliqua auditus organa ac nervos delatæ, eidem tinnitus ideam sistunt. Respirationem sonoram & difficilem in inspiratione potissimum læsam, partim a sublato æquilibrio inter aerem externum expandentem & pulmones expandendos, partim a viarum coarctatione & inæqualitate dependere certum est. Sublatum hoc æquilibrium, & viarum coarctatio unice pro causa agnoscunt, sanguinem copia, spissitudine & acrimonia peccantem, nec non spasticam inde productam fibrarum stricturam. Hoc modo enim vasa bronchialia & membranaceæ pulmonum vesiculæ, non tantummodo coangustantur, sed vasorum etiam resistantia ab aeris pulmones ingressi pressione perfecte superari nequit, hinc exspiratio semper redditur citatior, anhelosa, & ob bronchiorum inæqualitatem sonora. Ratio autem, quod noctu ægro in lecto decumbente spirandi difficultas incrementa capiat, in positu corporis mutato potissimum querenda est; Die enim ægrotantis corpus in erecto constitutum est situ, hinc sanguis ob adscensum perpendicularem tanta copia ab inferioribus propelli nequit versus superiora; noctu vero ob situm corporis inclinatum & maxima ex parte horizontalem, fluida ex partibus inferioribus majori copia & impetu feruntur versus superiora hinc major fit pectoris oppletio, atque distensiones & spasmodicæ constrictiones augentur, & per consequens quoque



respirationis difficultas : Aucta etenim causa , augetur quoque effectus , & vice versa . Aliquid quoque fortiori ætheris pressioni tribuendum est , qui ob motum noctu minorem gravior redditur . Tussicula conjuncta producitur potissimum a bronchiorum inæqualitate & constrictione , hinc etiam ut plurimum sicca deprehenditur , subinde tamen etiam ob lentiores fluidorum cursum & stases , viscida quædam in glandulis secernitur materia , quæ mole & acrimonia tunicæ nerveæ bronchiorum & asperæ arteriæ molesta , eorundem irritando efficit contractionem , & tussim simul excreta humidam . Ob sanguinis stases & violentas vasorum distensiones ita quandoque laterales pori dilatantur , ut aliquid successive exstillare permittant sanguinis , unde fit , ut materia excreta rubris deinde striis ac micis notata observetur . Ex hoc fundamento quoque malo aucto hæmoptyses , effusiones & collectiones sanguinis in pectoris cavitate explicandæ sunt , si sint minores , sin vero graviores , vasculi minoris disruptionem præcessisse censendum est . De sanguinis stasibus , distensionibus & irritationibus testimonium quoque adferunt spastici dolores in spina dorsi , hypochondriis , & abdomine &c. in qua lien potissimum ob multitudinem & mirificum vasorum sanguiferorum subtilium contextum præ cæteris infimi ventris visceribus obstructionibus existit obnoxius , licet reliqua viscera potissimum mesenterium non excludenda sint , uti hoc confirmant dejectio appetitus , dysuria & subinde contingens mictus cruentus , quæ ultimæ adfectiones de spastica strictura etiam in renibus sese exerente , stasi itidem & præternaturali pororum lateralium dilatatione testantur . Taceo vomitus cruentos aliaque ,  
quæ



quæ ex una eademque pullulant radice. Artuum denique gravitas & totius corporis lassitudo a sublato etiam in toto inter partes solidas & fluidas æquilibrio ob crassitiem, copiam & languidiorem progressum dependere cognitu facillimum est. Reliqua, quæ explicanda restant symptomata lubens prætermitto, nulla enim, cum ex uno eodemque prodeant fundamento, explanatione indigere videntur.

§. XXIII.

Ratione Prognoseos tandem notandum est, malum hoc mitius existens minus inferre periculum, diu tamen subinde durare, & merito inter chronicos morbos referendum esse, imprimis, quando fluidorum vitiis præternaturalis solidorum laxitas & atonia juncta deprehenditur, aut contumaciores excretionum sanguinearum obstructions genese ejusdem ansam præbent. Gravius vero periculum infert insigne, siquidem facillime in Orthopnceam & Catarrhum suffocativum transiens suffocationem efficit, vel tamen nisi cito adferatur medela, minatur. Dyspnœa enim diu trahi potest; Asthma aliquando; Orthopncea vero acuta est. *Vid. Schmitzii Comp. Prax. de Asthm.* Facile quoque degenerat in Hæmoptysin, Vomitum cruentum, Apoplexiam sanguineam, Hydrophem pectoris & abdominis, Tumorem pedum, Cachexiam, Peripnevmoniam, Empyema, Mictum cruentum &c. Periculosius quoque existit in obesitas, & puerperis, si post suppressum lochiorum fluxum iisdem superveniat. Polyposæ quoque in vasis pulmonum concretiones sanationem reddunt difficiliorem, vel subinde plane irritam & impossibilem. - Consuetæ contra excre-



iones sanguineæ antea suppressæ, si rursus fluere incipiunt, morbum solvere, vel mitiorem tamen reddere solent. Recens & mitius hujus generis Asthma facta sanguinis copiosioris depletione & spissioris atque acrioris resolutione ac correctione facilius tollitur; Gravius & habituum vero difficilius; siquidem tonum pulmonum destructum præsupponit, qui restitui tam facile nequit; hinc licet paroxysmus quidem facta sanguinis depletione & stagnantis discussione solvatur, facile tamen iterum ob solidorum atoniam redit. Quamobrem Prognosis in hoc morbo ex Symptomatum, & Causarum, natura, ac magnitudine, nec non durationis tempore, atque morborum complicatorum indole singulis prope pensitatis formanda est, ne imprudens eadem aut falsa existat.

§. XXIV.

Cognita nunc morbi indole cum suis causis & signis, adhuc primario ab ægris desiderata ejusdem restat Cura-  
tio, quæ si suscipi debet in nostro adfectu, quælibet eo dirigenda sunt, ut causa mali in vitiosa sanguinis quantitate & qualitate, nec non spasmodica fibrarum constrictione a sanguine peccante potissimum producta consistens auferatur. Quare præ cæteris huic fini inservit ex Evacu-  
antibus V Sectio pro circumstantiarum varietate modo in brachio, modo in pede instituenda. Optimum enim illa in nostro morbo existit remedium, quod præ omnibus aliis promptum in paroxysmo spondet auxilium; siquidem stases cito solvit, solidorum stricturas præternaturales relaxat, & sanguinis abundantiam imminuit. Sed largior paulo convenit, vel tamen repetenda est. Quantitas autem in genere exacte determinari nequit, res-  
cien-



ciendum etenim est, partim ad plethoræ gradum, partim ad vires ægrotantis, quæ non ex Symptomatum vehementia æstimandæ sunt, sed quales ante morbi invasionem fuerint, videndum. In specie autem V Sectio necessaria atque utilis existit, si narium hæmorrhagiæ, mensium aut hæmorrhoidum obstructions huic adfectui occasionem præbuerunt. Commendantur quoque Cucurbitulæ scarificatæ modo in dorso & brachiis, modo circa regionem renum & in pedibus applicandæ. Hæ minorem quidem sanguinis copiam evacuant, in subsidium tamen interdum vocari possunt. Si hæmorrhoidum vero suppressio Asthma hoc produxerit, hirudines applicari queunt, ut hæmorrhoidum fluxus revocetur. Vesicatoria & Cauteria in tibiis excitata in Asthmate magni quoque usus esse prædicantur, sed an etiam in nostra asthmatis specie multum utilitatis adferant haud concipio; non evacuant enim quod evacuare debent, nisi forsan, ut cum vulgo loquar, revulsione agant. Silentio quoque non prætermittenda sunt Clysmata ex Emollientibus parata, v.g. ex Rad. alth. lil. alb. Hb. malv. atripl. mercurial. Flor. Sambuc. Verbasc. & in specie Chammomill. Caric. pingv. cum aqua simpl. coct. addito deinceps oleo amygdal. dulc. & nitr. antim. vel lap. prunell. &c. Hæc impuritates non tantummodo ex primis viis potissimum intestinis educunt, sed solidorum etiam stricturas relaxant.

§. XXV.

Ab Evacuantibus provehimur nunc ad Alterantia. Ex quibus primario notanda sunt 1) Antispasmodica, Emollientia, v.g. Sperm. ceti vel pulverib. mixtum, vel in Infuso Hbæ Thée calido solutum. Optime quoque cum  
oleo



oleo amygdal. dulc. misceri potest, addita deinceps pau-  
ca quantitate pulv. cujusdam pectoralis temperati & an-  
tispasmodici, v. g. Specif. cephal. Michael. pulv. pann.  
rubr. lap. 69. ppt. mandib. luc. pisc. antim. diaph. cinnab.  
hung. ppt. ut quasi fiat Electuarium. Præter dicta porro  
huc pertinent juscula avenacea tenuiora imprimis cum  
Chamomill. vel caric. pingv. cocta, Ess. Croc. dosi refra-  
cta reliquis addita. Locum secundo habent, potissimum  
si sanguinis acrimonia, ebullitio, & irregularis ac feбри-  
lis fere adsit commotio 2) Absorbentia ac Temperantia,  
nec non Diluentia, v. g. lap. 69. mat. perlar. ppt. C. C. si-  
ne ign. ppt. mandib. luc. pisc. corall. rubr. ppt. nitrosa v. g.  
nitr. antim. depurat. spir. nitr. dulc. qui præter temperan-  
di virtutem insigni quoque virtute dissolvente & antispas-  
modica gaudet; nitrosa quidem in morbis pectoris cum  
tussi conjunctis rejiciuntur a quibusdam, sed cum eadem  
in nostro adfectu optime respiciant causam, major causæ  
quam Symptomatis, nisi insigniter urgeat, ratio haben-  
da est: Sublata enim causa tollitur quoque effectus. Di-  
luendi sine porro huc spectant serum lactis, quod non so-  
lum diluit, sed etiam temperat & ebullitiones sistit, item  
Decocta ex temperatis resolventibus parata, v. g. Decoct.  
hord. c. scorz. rad. Gramin. Sassaaparill. Chin. Glycirrhiz.  
Hb. Marrub. alb. Veron. Beton. Meliss. Hyssop. &c. Flor.  
Hepat. nob. Chamomill. Sambuc. Cort. citri, aurant. pau-  
ca quantitate addito Lign. Sassafr. potissimum si semper  
ferme complicata sanguinis spissitudo præsens sit. Majo-  
ri quoque acrimonia, quam spissitudine præsentē exhi-  
bendæ etiam sunt Emulsiones ex Sem. 4. frig. major. amyg-  
dal. dulc. cum aqu. destill. temperantibus paratæ, v. g.  
aqu.



aqu. Acaciæ, Scorzon. Cerasor. nigr. Sambuc. &c. It. Potiunculæ ex dictis aquis & absorbentibus concinnatæ. In subsidium 3) vocanda sunt Leniter Resolventia, temperata Diaphoretica & Antispasmodica Roborantia. v.g. arcan. dupl. tart. vitr. Crem. & Crystall. tartar. Ess. G. ammon. pulv. Bez. Sennerti Antim. diaph. Bez. min. Ess. angel. Vincetox. Rorellæ &c. Ess. Cort. citri & aurant. Tinct. antim. tartar. Corall. Cinnab. nim. cinn. nat. hung. ppt. antim. Specif. cephal. Michael. Pulv. pannon. rub. Cran. hum. ungul. alcis C. C. sine ign. ppt. &c. Siquidem Excell. D. D. Hoffmanni aliorumque multorum sententia est, quod omnes animalium partes tam duræ quam liquidæ insigni virtute antispasmodica gaudeant. *Vid. Diff. de Specif. Antispasmod. §. 3.* Semper autem in applicatione horum Medicamentorum ad sanguinis statum respiciendum est, ne intempestive adhibeantur & paululum calidiora semper cum temperantibus miscenda sunt, potissimum si ebullitio & acrimonia in sanguine adsint. Externe præ cæteris conveniunt frictiones pedum & Pediluvia ex Chamomill. flor. Sambuc. Hb. Serpill. additis cineribus clavellatis, ut adfluxus sanguinis a pectore derivetur versus inferiora.

#### §. XXVI.

Pectoris autem non solummodo affectionis, sed etiam morborum complicatorum, qui plerumque hunc morbum produxerunt, vel adhuc fovent, ratio habenda est; Quorsum potissimum spectant Mensium, Lochiorum, Hæmorrhagiæ narium, Hæmorrhoidum

E

flu.



fluxus irregulares & obstructions , nec non passio hysterica & hypochondriaca ; Horum quoque adfectuum correctio & remotio insimul suscipienda est , & cuilibet per appropriata , quæ alibi videnda sunt , satisfaciendum est , ut liberior sanguinis cursus restituatur , & spasticæ avertantur constrictiones. Ne adfectus quoque potissimum quoad paroxysmum sublatus denuo recurrat , statim temporibus præservandi fine V Sectio repetenda est , obstructions per prædictorum continuationem , atque alia aperientia temperata referendæ , & partium tonus per temperata quoque Roborantia restituendus est.

§. XXVII.

Necessario autem , si optatum a medicamentis chirurgicis & pharmaceuticis sperare volumus effectum , conveniens atque conformis jungenda est Diæta ; licet eadem ab Helmontio frustraneo illo Medicinæ innovatore parum fuerit æstimata , qui eandem Lib. de Virtus ratione pro ignorantia causarum morbi , veræ Medicinæ & præpotentis remedii prodritice habet , atque solis medicamentis pharmaceuticis morborum sublationes tribuit ; siquidem ibidem §. 4. inquit : Sanationes „ medicaminum sunt , non ciborum effectus. Sed merito carpendus est ob absurdum hoc de Diæta iudicium ; licet enim soli quidem diætæ non tribuantur morborum sanationes , dimidium tamen curationis momentum in eadem legitime instituta situm esse nullus prudens negabit. Quare ista in nostro adfectu etiam ita dirigenda & instituenda est , ut causæ morbificæ contraria , medica-  
mentis



mentis & naturæ autem conformis existat. Conveniunt proinde aer temperatus ac purior, victus tenuis & parcior, potulenta vero largiora, itidem tamen tenuia, motus corporis lenis ac frequens, somnus moderatus, animi hilaritas, & evacuationum quarumvis debita libertas; Vitanda contra sunt aer crassus, gravis, calidus & frigidus nimis, alimenta crassa, viscida fumo indurata, flatulenta, leguminosa, pisces marini & nimis quoque copiosa eorundem ingestio, hinc vesperi etiam, nihil vel parum adsumere præstat, potulenta porro calida exagitantia, spirituosæ, acida, crassa, feculenta, fermentantia, vinum acidum, sulphure vero subtili fœtum non plane rejiciendum, Vigiliæ diuturniores, aut somni excessus, motus corporis fortior, otium nimium animi pathemata noxia tam concentrantia fluidorum & solidorum elaterem; quam expandentia nimis, ne humorum vel spissitudo, vel ebullitio augeatur. Præ cæteris autem in Asthmate habituato, & insigniter jam labefactato solidorum tono, *Baglivius in Prax. Med. p. 107.* in Operibus aerem rusticanum &c. commendat, quando inquit: In diuturno asthmate sive humoralis, sive „convulsivo aerem rusticanum ægrotantibus impero, & „potissimum, ut campos habitent, quos arant bubulci: „Debet itaque asthmaticus sequi bubulcum, quando ter- „ram arat, & incedere per sulcum, sive viam ab aratro „recenter in terra factam, & aperto ore respirare aerem, „sive halitus nitro-salinos ac sulphureos a recenter „ruptis terræ glebis prodeuntes: Tonus pulmonum lon- „go morbo relaxatus nitro-salina centralis terræ caloris „sub-



substantia roboratur, confirmatur ac restituitur, eoque restituto, circulus quoque liquidorum per pulmonum telas in libertatem ponitur, morbusque profligatur. Ex medicamentis denique tanquam noxia vitentur omnia calida, acria, exagitantia, purgantia emetica, sudorifera spirituosæ, narcotica quoque opiata, quæ in-  
crassando majori humorum spissitudini ansam præ-  
bent, &c. nedum prodesse volumus, noceamus.

T A N T U M.

